



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Onuphrius Conf. 12. Junii.

urn:nbn:de:hbz:466:1-44055

Evangelium exaraverat (nobilissima cimelia) reperiret. Et verò utrumque in honore habuit Zeno Imp. & corpus templo augusto honoravit, volumen verò auro inclusit, rectè gemmam esse ratus.
Ex act. Apost. Baron. & Lipp.

Agnosce dignitatem tuam, & divine consors factus naturæ, noli in veterem vilitatem degeneri conversatione redire: memento cuius capit is & corporis sis membrum, & quia erutus de potestate tenebrarum translatus es in Dei regnum & lumen. S. Leo serm. de Nat. Dom.

S. ONUPHRIUS CONF. 12.Iunii.

ONUPHRIVM toto hirsutum corpore, & raro humani cultûs retinentem vestigia, poterat sanè silvarum monstros, & Satyrorum generi accensere Paphnutius, si in externâ specie substitisset. At ubi congressus vitæ genus moresque didicit, dubitavit hominémne potius an Angelum diceret. In Thebanâ regione monachum induitus, cum de Anachoretis fando accepisset, egressus in loca sola Angelum vitæ comitem habuit. Nactus deinde novi instituti magistrum, in tugurium palmâ inumbratum deductus est. Inde illi cibus, menstruo proventu; panem & aquam Angelus afferebat quotidianus minister. Octavo quoque die, ut delicatius vesceretur, is quoque, quem propriè Angelorum panem appellamus, majore pompâ, & debitâ Numini est advectus. Et potuit credo ONUPHRIVS hâc Cælitum amicitiâ beatus hominum oblivisci: certè septuaginta totos annos mortalem non vidit, donec, quem nominavimus Paphnutius Dei iussu moriturum invisit, ut è silvarum latebris tam rara virtus eo præcone pro traheretur.

traheretur in lucem. Mortuo Angeli cecinere lessum : palma & casa quasi desiderio viri , & alium quemque dominum. indignantes pro- cubuerunt. Quid ad hæc nostra juventus , mori- bus juxta capillisque luxuriantibus in Nabucho- donosorem citius, quam ONVPHRIVM degenera- tura ? Ex vit.PP.

Comas aut uestes supervacuas curare, vel infelicium est, vel injustorum. Nam quid ex talibus expectandum aut suspicandum, nisi ut lascivus ille ornatus feminas prætereuntes invitet, aut alienis matrimonii insidietur?
S.Bas.de Legend.lib.Gentil.

S. PEREGRINUS EP. M. 13.Iunii.

CETHEVUM in cunis , in tumulo PEREGRINVM dixere. Aternensium Pontifex fuit , cum è Langobardis in urbe tyrannidem Alais & Umblo obtinerent. Horum ille sævitiam detestatus, Ro- mam ad commune orbis asylon D. Greg. Pont. Max. transfugit. Sed populus Aternensis PEREGRI- NVM jure optimo jam olim suum repetiit, & verò judice Gregorio etiam obtinuit. Interea cum nec ista regna socium ferrent , tyranni duo armis inter se collisi sunt, & Alais in suum præsidium, sed exti- tum urbis tertium hostem Vitalianum Comitem introduxit. Tunc verò , auctore CETHEO, cives arma capiunt victumque Alaim, & vincitum Um- bloni tradunt. Mox tamen adest CETHEVS , & vi- tam capto orat. Sed quæ alteri prodesse studuit, sibi etiam nocuit misericordia. Umblo Alais fa- ctioni CETHEVM favere credidit. Quare utrum- que ad gladium damnat. Cæso Alai cum carnifex Pontifici instaret, omnes ad officium vires amisit; at non consilia tyrannus. ex ponte in Aternum fluvium